



UNIVERSITÄTS-
BIBLIOTHEK
PADERBORN

Universitätsbibliothek Paderborn

**Conversio Peccatoris, Seu Modus quo Peccator
communiter resurgit ad justitiam.**

Lefelon, Antoine

Bruxellis, 1675

An & in quibus sit Paenitenti tam contra se quàm pro se credendum?

urn:nbn:de:hbz:466:1-9433

CAPUT XIV.

*An & in quibus sit Pœnitenti tam contra se
quam pro se credendum?*

CUjusmodi opus sit quantique moliminiis vera ac debita Peccatoris conversio præcipue pravis affectibus nonnihil inveterati, ex iis quæ hucusque dicta sunt, quantum pro suscepto scopo satis est, arbitror patere. Venio nunc ad ea quæ circa Confessariorum praxim movet Appendix; atque imprimis num. 269. vult Confessarium teneri credere Pœnitenti non solùm contra se, sed & pro se loquenti, nisi contrarium moraliter certò constet: ex quo concludit quod sicuti ei creditur dicenti quod ceciderit, sic ei credendum quoque sit, quod resurrexerit, seu quod verè doleat, & proponat se emendare.

Axioma istud: pœnitenti in pœnitentiali foro pro se & contra se esse credendum à S. Thoma, aliisque communiter esse assertum; quod ut legitimo sensu accipiamus: